

M̄weñan eo an Jibboñ in Jabōt

Eprōl̄ 3, 2011

Jetōb In M̄ōndel̄ok

Jen El̄tōr David A. Bednar

Jen Doulul eo an Joñoulruo Rijilōk ro

Ij kwaḷok kamoolol kōn im̄we eo me epād ilo kālet al eo me enaaj ālikin ekōnono eo aō, “Have I Done Any Good?” (*Hymns*, no. 223). Ij lo meḷeḷe eo.

Ij kūr kom̄ ñan keḷokḷokjen kōn ruo eñjake ko aolep ak enañin aolepād ewōr ippād kōn meram.

Jeḷā eo kein kajuon ej waḷok ilo ad deḷoñe juon ruum̄ eo emarok im oḷne lait eo. Kememej ekōjkan an juon meram kōmeram aolepān ruum̄ eo im kōm̄man bwe marok eo en jako. Ta eo kar im̄aanḷok kar jab loe im tinaad maroñ alikkar im pidodo kile. Jeḷā in kar kwaḷok jekjek in kōn m̄ōkaj im kajoor ilo kile meram eo.

Jeḷā eo kein karuo ej bōk jikin ilo ad lale an boñ oktan ñan jibboñ. Kwoj kememej ke an raḷok im nañin jab kile ḷapḷok in meram eo ilo kapin lañ? Ilo keidi oḷne juon ḷait ilo juon ruum̄ emarok, meram eo jān an tak aḷ ejjab m̄ōkaj an waḷok. Ijo wōt ke, jidik kōn jidik im kijiñeñe kajoor eo an meram eo ej ḷapḷok, im marok an boñ kar bōk jikin jān meram in jibboñ. Āliktata, aḷ eo ej tulok ioon lañ eo. Bōtaab kein kaḷool eo kōn an m̄ōttan wōt jidik ewaḷok aḷ eo ej waḷok ilo kapin lañ. Jeḷā in eaar kwaḷok jekjek in kōn jeḷā kake im raḷok in kile meram eo.

Jān jeḷā kein ruo kōn meram, jemaroñ katak eḷap kōn jetōb in m̄adenḷok. Ij jar bwe Jetōb Kwojarjar enaaj im̄we im katakin kōj ilo ad kiiō kalimjōk jetōb in m̄adenḷok im joñak ko im̄aan tata me m̄adenḷok ej bōk.

Jetōb In M̄adenḷok

M̄adenḷok ej ennaan jān Anij ñan ajri ro Nejin ioon laḷ in im juon iaan kōjeram̄man ko reḷḷap rekar ekkejel ippān menin letok eo im jem̄jerā eo an Jetōb Kwojarjar. Rikanaan Joseph Smith ekar katakin, “Jetōb Kwojarjar eo ej juon riletok m̄adenḷok,” im “ejjeḷok armej emaroñ bōk Jetōb Kwojarjar ilo an jab bōk m̄adenḷok ko” (*Teaching of Presidents of the Church: Joseph Smith*

[2007], 132).

Jetōb in m̄adenl̄ok ej pād n̄an aolep armej ro me rej bōk kaiñi in l̄om̄ōor ko j̄an m̄alim an priesthood eo ejejjet kōn peptaj kōn tulok n̄an jeorl̄ok jerawiwi ko im likūt pā ko ioon bar n̄an bōk menin letok eo an Jetōb Kwojarjar—im eo ej jermal ilo tōmak n̄an kakūrm̄ool kōllaajrak eo an priesthood eo n̄an “bōk Jetōb Kwojarjar.” Kōjeram̄man in ejjab moo n̄an rutiej ro an Kabuñ in rej tōl; ijo wōt ke, ej an im ej aikuj jermal ilo mour an aolep em̄maan, kōrā, im ajri ro rej tōpar iiō eo ejejjet im deļoñ e bujen ko rekwojarjar. Ikirelele em̄ool im erreō rej karuwaineneik jetōb in m̄adenl̄ok n̄an mour ko ad.

Joseph Smith im Oliver Cowdery kar bōk jeļā eo eaorōk kōn jetōb in m̄adenl̄ok ilo aer kar ukōt Bok in Mormon. Em̄maan rein raar katak remaroñ bōk jabdewōt jeļāl̄okjeñ kar menin aikuj n̄an kadedeļok jermal eo aer eļañne raar kajjitōk ilo tōmak, kōn juon bōro em̄ool, tōmak bwe renaaj bōke. Im jidik kōn jidik l̄apl̄ok in meļeļe eo aer kōn jetōb in m̄adenl̄ok ej kwaļok jekjek in jermal ko ilo an l̄om̄nak ko im eñjake ko me rej deļoñ tok ilo l̄om̄nak ko im būruwōd kōn kajoor eo an Jetōb Kwojarjar (Lale D&C 8:1–2; 100:5–8.) Irooj ekar kōmeļeļeik er bwe eñin ej jitbōn m̄adenl̄ok eo, bwe eñin ej jetōb eo Moses ekar bōktok ajri ro nejin Israel jen Red Sea n̄an ioon ene emōrā. Ekar ba menin ekar menin leļok eo aer im rej aikuj pedped ioon (Lale D&C 8:3–4).

Ij ālij naan eo “pedped ioon” ilo keidi n̄an jetōb in m̄adenl̄ok. Ilo jeje ko rekwojarjar, kareel eo an Jetōb Kwojarjar ekkā an kōmeļeļeiki āinwōt “juon aenikien edik” (1 Nipai 17:45;1 Kiiñ ro 19:12; barāinwōt lale 3 Nipai 11:3) im juon “aenikien emera in lur eweppān” (Hilamōn 5:30). Kōnke Jetōb ej uņojdikdik n̄an kōj kōn meanwōd im kepjarok, epidodo n̄an meļeļe etke jaikuj kabwōjrak pija ko rejekar, pija nana, im uno ko rōkajoor, añūrlep im m̄wil ko. Kein jermal ko an rikōjdāt eo emaroñ in kam̄ōjņoik im eļaptata kakkure maroñ eo ad n̄an kile im uwaak n̄an ennaan ko remera j̄an Anij letok j̄an kajoor in Jetōb eo An. Kajjojo iaad eaikuj in lukkuun kile im lukkuun keļokl̄okjeñ ekōjkan ad maroñ joļok aqojid ko an devil eo im jim̄we “pedped ioon,” meļeļe in jetōb in m̄adenl̄ok eo, ilo mour ko ad make im baam̄le ko.

Joñak ko an M̄adenl̄ok

M̄adenl̄ok ko rej waļok ilo elōñ wāween ko, ekoba, n̄an waanjoñak, etōñak ko, elolo ko, kōnono ko ippān rikwōj meļan in lañ ro, im im̄we ko. Jet m̄adenl̄ok em̄okaj im kajoor būki; jet rej kili jidik kōn jidik im l̄ap kilaan. Jeļā ko ruo kōn meram Iaar kōmeļeļeik rej jipañ kōj meļeļe l̄ok kōn joñak kein ruo an m̄adenl̄ok.

Meram eo kabbōle ilo juon ruum̄ emarok ej āinwōt bōk juon ennaan em̄okaj j̄an Anij, elikieo, im ilo juon wōt iien. Elōñ iaad em̄oj aer eñjake joñak in an m̄adenl̄ok āinwōt kar letok n̄an kōj uwaak ko n̄an jar ko rem̄ool ak m̄ōj kar letok iaļ ak keļparok eo emenin aikuj, ekkar n̄an ankilaan im iien

eo an Anij. Kōmelele eo an kain waļok tok rōt kein rōmōkaj im kajoor loi ilo jeje ko rekwojarjar, kwaļoki ilo bwebwenato an Kabuñ in, im menin kaṃool ilo mour ko ad make. Ilo ṃool, kabwilōnlōn kein rekajoor rej waļok. Mekarta, joñak in an ṃadenļok emaroñ ļapļok jān bajjōk.

Raļok in ļapļok in kōn meram eo jān an aļ tak ej āinwōt bōk juon ennaan jān Anij “lain im bar lain, naan in kaiñi im bar naan in kaiñi” (2 Nipai 28:30). Eļap an emakijkij, ṃadenļok ej itok ilo jidik kōn jidik ilo juon iien im ej letok ekkar ñan ikirelel eo ad, erre eo, im pojak eo. Kain ennaan rōt in jān Jemed Ilañ ej itok jidik kōn jidik im mera an wōtļok ioon jetōb ko ad āinwōt pillil jān lañ (lale D&C 121:45). Joñak in an ṃadenļok ej waļok ñan an ļapļok unin im ilo kaṃool eñjake ko an Nipai ke eaar kajioñ jet kōttan ṃokta jān an kar tōpar ilo bōk pileij brass ko jān Laban (lale 1 Nipai 3–4). Āliktata, kar tōl e jān Jetōb ñan Jerusalem “jab jeļā ṃokta men ko [en] kar kōṃṃani” (1 Nipai 4:6). Im eaar jab katak kōn ekōjkan jōk juon wa ilo juon wōt iien; ijowōt ke, Irooj eaar kwaļok ñan Nepai “jān iien ñan iien jekjek eo [en] aikuj jerbale aļal kein aļal in wa eo” (1 Nipai 18:1).

Jimor bwebwenato an Kabuñ in im mour ko ad make rej obrak kōn waanjoñak ko an Irooj kōn joñak eo ñan bōk ṃadenļok “lain im bar lain, naan in kaiñi im bar naan in kaiñi.” Ñan waanjoñak, pedped ko imaan tata an jepļaaktok eo an kojpeļ eo raar jab liļok ñan Joseph Smith ilo juon wōt iien ilo Bukin Wōjke ko Rekwojarjar. Menin aorōk kein ejjeļok wōñāer kar kwaļoki āinwōt an jekjek ko kar menin aikuj im āinwōt an iien eo kar jejjet.

Būreejtōn Joseph F. Smith ekar kōmeleleik ekōjkan an joñak in an ṃadenļok in kar waļok ilo mour eo an: Āinwōt juon ļaddik ... Ekkā aō kijoñ ... kajjitōk ippān Irooj ñan kwaļok ñan eō menin bwilōn ko, ilo jekjek in bwe In maroñ bōk juon naan in kaṃool. Bōtaab Irooj eaar jab kwaļok menin bwilōn ko jān eō, im ekar kwaļok ñan eō ṃool eo, lain im bar lain ... , ṃae iien eo Ekar kōtļok eō bwe in jeļā ṃool eo jān kraun in ioon bōra ñan lōpiden neeō, im ṃae iien pere im mijak raar jako jān eō. E ekar jab jilikintok juon enjeļ jān lañ ñan kōṃṃane menin, ak kōn An lamōj kōn ainikien arkenjel. Jen aenikien uņoojdikdik eo edik an jetōb in Anij eo emour, E eaar letok ñan eō naan in kaṃool eo Aō make. Im jen pedped in im kajoor enaaj leļok ñan aolep ajri ro nejin armej juon jeļāļokjen an ṃool eo me enaaj pād ippāer, im enaaj kōṃṃan bwe ren jeļā ṃool eo, āinwōt an Anij jeļā, im ñan kōṃṃane ankilan Jemed āinwōt an Kraist kōṃṃane. Im ejjeļok joñan imwe in kabwilōnlōn naaj kadedeļok menin” (ilo Conference Report, Apr. 1990, 40–41).

Kōj āinwōt membōr ro an Kabuñ in maroñ in kalikkar kabwilōnlōn im waļoktok ko ilo jetōb joñan jemaroñ in likjab ñan kaṃoolol im eṃool jab lale jekjek in joñak eo me Jetōb Kwojarjar ej kōtōprak jerbale eo an. “Ak kōnke eaar lamwan iaļ in” (1 Nipai 17:41) ilo bōk imwe ko ilo jetōb reddik im ejej uwaan me kōn jidik iien im ilo kōṃṃan ilo likieo in juon uwaak ak iaļ jej aikuji me maroñ kōṃṃan bwe jān “reilok jān kakōļle eo” (Jekab 4:14).

Emōj aō kar kōnono ippān elōn kajjojo ro me rej kajjitikin kajoor in naan in kaṃool eo aer make im pere maroñ eo aer ilo jetōb kōnke ejjab emakijkij aer ebbōk, kabwilōnlōn, ak imṃwe ko rekajoor. Emool ilo ad kejōklōkjeṃ eñjake ko an Joseph ilo Bukwin Wōjke ko Rekwojarjar, an Saul ilo iaḷ eo an ñan Damascus, im Alma eo Edik, jej jino tōmak juon men eo ebōd kōn ak jabwe eo ilo kōj eḷaññe jej likjab ilo mour ko ad kōn waanjoñak kein rekajoor im buñbuñ ilo jetōb. Eḷaññe ewōr kain ḷōmṃnak ak pere rōt kein, jouj jeḷā bwe kwojjab oktak. Wōnṃmaanḷok wōt ilo pokake im kōn tōmak ilo Rilōmṃoor eo. Ilo aṃ kōmṃmane, kwojjab maroñ bōd (lale D&C 80:3).

Būreejtōn Joseph F. Smith eaar kapilōk: “Kwaḷok ñan eō Armej ro Rekwojarjar ilo Raan-kein Āliktata em rej pedped ion kabwilōnlōn ko, kakōḷle ko, im elolo ko ñan er ñan pen wōt ilo Kabuñ in, im Inaaj kwaḷok ñan koṃ membōr ro ... wōn ro rejjab wejepedik imaan Anij, im wōn ro rej tippok ilo iaḷ ko. Ejjab kōn kabwilōnlōn ko rej waḷok ñan kōj me jej aikuḷ kalōk ilo ṃool, ak ej kōn ettā im tiljek ilo pokake kien ko im kakien ko an Anij” (ilo Conference Report, Eprōḷ 1900, 40).

Eñjake eo bar juon jeḷā kake kōn meram ejipañ kōj katak ṃool ko jet kōn “lain im bar lain, kaiñi im bar kaiñi” joñak eo an ṃadenḷok. Jet iien aḷ eo ej tak ilo juon jibboñōn eo me ekōdōdo ak tab. Kōnke kōn jekjek ko rōkōdōdo, ḷōmṃnak meram eo eḷapḷok an pen, im kile iien eo eaorōk ñe aḷ eo ej tak ion kapin lañ ejjab maroñ. Bōtaab ilo juon jibboñ rōt in mekarta ewōr jidik ad meram ñan kile juon raan kāāl im ñan kōmṃmani jermal ko ad.

Ilo ejja jekjek eo wōt, elōn kōttan ad bōk ṃadenḷok ilo jab kile aorōk eo ekōjkan ak nāāt eo jej bōk ṃadenḷok. Juon iien eaorōk jān bwebwenato an Kabuñ in ej kwaḷok pedped in.

Ilo spring in 1829 eo, Oliver Cowdery eaar juon rūkaki in jikuuḷ ilo Palmyra, New York. Ke eaar jeḷā kōn Joseph Smith im jermal in ukook eo an Bok in Mormon, Oliver eaar eñjake imṃwe ñan leḷok jipañ ñan rikanaan eo edik. Kōn menin, eaar ilok ñan Harmony, Pennsylvania, im erom riḷeje an Joseph. Iien eo eaar jikrōklōk im jipañ eo eaar leḷok eaar lukkuun in aorōk ñan waḷoktok eo an Bok in Mormon.

Innām Rilōmṃoor eo eaar kwaḷok ñan Oliver bwe toon wōt an emakijkij an jar kōn tōl, eaar bōk tōl jān Jetōb eo an Irooj. Eḷaññe en kar jab āindein, Irooj eaar kwaḷok, enaaj kar jab itok ñan jikin eo me eaar pād ie ilo iien in. Irooj ekar jiroñḷok e bwe ekar jeḷā bwe enaaj aikuḷi E im E ekar kōkkajoor kōḷmenḷokjeṃ eo an. Irooj eaar jiroñ e men kein bwe en maroñ jeḷā bwe ekar kōkkajoor jān Jetōb eo emool (lale D&C 6:14–15).

Kōn menin, Oliver ekar bōk juon m̄adenl̄ok j̄an Rikanaan Joseph Smith karoñ e bwe em̄ōj an bōk m̄adenl̄ok. Ilo m̄ool Oliver eaar jab kile ekōjkan im n̄āat eo eaar bōk tōl j̄an Anij im kar aikuji kōmelele in n̄an kōlapl̄ok melele eo an kōn jetōb in m̄adenl̄ok eo. Ilo m̄ool, Oliver eaar etetal ilo meram eo āinwōt an aḷ eo waḷok ilo juon jibboñ ekōdōdo.

Ilo elōñ iaan pere ko im apañ ko jej iooni ilo mour ko ad, Anij ej kajjitōk ippād n̄an kōm̄mane ijo em̄man tata ippād, n̄an kōm̄man im jab n̄an kipel (lale 2 Nipai 2:26), im n̄an lōke E. Jemaroñ jab lo enjeḷ ro, roñjake ainikien ko an lañ, ak bōk juon im̄we etōr j̄an joñan ilo jetōb. Emakijkij ad maroñ buñ maan ḷok kōjadikdik im jar—bōtaab kōn ejjeḷok naan—bwe jej jermal ekkar n̄an ankilaan Anij. Bōtaab ilo ad kautiej bujen ko ad im kejparok kien ko, ilo ad kajioñ kōlapl̄ok ad kijneñe n̄an kōm̄man em̄man im n̄an erom̄ em̄man ḷok, jemaroñ etetal kōn kōjatdikdik bwe Anij enaaj tōl buñtōn ko ad. Im jemaroñ kōnono kōn m̄ool bwe Anij enaaj im̄we naan ko ad. Menin ej m̄ōttan wōt melele eo an eoon eo me ej kwaḷok bwe ad lōke enaaj eddōk ilo kajoor ilo im̄aan mejān Anij (lale D&C 121:45).

Ilo an jejjet ami pukōt n̄an im mour kōn jetōb in m̄adenl̄ok eo, Ij kalim̄mur kom̄ naaj “etetal ilo meram in Irooj” (Aiseia 2:5; 2 Nipai 12:5). Jet iien jetōb in m̄adenl̄ok eo enaaj m̄ōkaj im kajoor an jermal, jet iien epidodo im raḷok, im emakijkij joñan an pidodo kom̄ maroñ jab ilo m̄ool kile. Bōtaab jekdoon ta joñak eo me kōjeram̄man in ej bōke, meram eo ej letok enaaj ebbōḷ im kōlapl̄ok jetōb eo ami, kōmeleleik melele eo ami (lale Alma 5:7; 32:28), im tōl im kejparok kom̄ im baamle eo am̄.

Ij kwaḷok kam̄ool eo aō āinwōt juon rijilōk bwe Jemed im Nejin rej mour. Jetōb in m̄adenl̄ok eo ej m̄ool—im maroñ im ej jermal ilo mour ko ad kajjojo im ilo Kabuñ eo an Jisōs Kraist im Armej ro Rekwojarjar ilo Raan-kein Āliktata. Ij kam̄ool kōn m̄ool ko ilo āt eo ekwojarjar etan Jisōs Kraist, amen.